

# **REFERAT MAA - Meeqqanut Atuarfeqarnermullu Ataatsimiititaq d. 10-08-2022**

**Mødedato** Onsdag d. 10. august 2022 kl. 18:00

**Mødested** Kommunalbestyrelsip ataatsimiittarfia

## Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Ulluunerani paaqqinnittarfinni perorsaasut inimut aalajangersimasumut pituttorsimannngitsut pillugi	7
Tasiilami Alivarpimmi suliniut KRAP pillugu Psykolog Centerimillu isumaqatigiisummik atorunn	12
Lukket.....	15
Lukket.....	16
Lukket.....	17
Taasariaqartut allat.....	18
Imaqarniliap akuerineqarnera.....	19

## **Punkt .: Saqqaa**

Ataatsimeeqataasut:

### **Beslutning**

Ataatsimeeqataasut:

Juaaka Lyberth (IA), *siulittaasog*

Poul Petersen (D), *siulittaasup tullia*

Mia Skifte Lynge (IA)

Finn Karlsen (N)

Oqarasuaatikkut peqataasoq:

Dorthe-Marie Mogensen-Fontain (S)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.



# Punkt .: Nalunaarutit

Siulittaasumiit:

Ingerlatsivimmiit:

## Beslutning

Siulittaasumiit

Ingerlatsivik una sapaatip akunnera ataasinngornermi marlungornermilu ASK-imi, USK-imi aammalu atuareernerup kingorna ornittakkat marluk ataatsimoortinneqalerput, tamarmik atuarfimmu nutaamut 2024-mi nuuttussat. Ullormi siullermi atuarfik nutaaq saqqummiunneqarpoq, tassani borgmesteri, ataatsimiititaq, pisortaqtigiit allallu qaaqquneqarlutik.

Ingerlatsivimmiit

Meeqquerivitta ilai aasaanerani atuanggiffeqarnerup naalernerani meeqqat uteriartuaarnerini sulisunilu suli sulinngiffeqartoqarnerni ulapaarfioqaat. Taamaattumik kaammattorneqarpugut tamanna pillugu ilisimatitsissasugut, taamaalillutik angajoqqaat eqqumaffigissammassuk nalinginnaasumik amerlanerusunik taartaasoqarnera. Taassuma saniatigut ingerlatsivimmit taartaasartunik pilerisulertitsiniarluni nutaamik pissarsiortoqarpoq. Maannakkut ilinniartitsisunngorniartunut una qaammat ilinniarnermik aallartitsisussanut toqqaannartumik saaffiginnittumik.

Ingerlatsivik Tasiilami meeqqat tutsarlunnerat pillugu ilisimatuussutsikkut misissuinissaq pillugu saaffigineqarpoq. Tutsarlunneq Kalaallit Nunaanni ajornartorsiutaavoq annertoq meeqqallu ilikkariartornerannut kinguneqartitsisinnaalluni. Ingerlatsivimmit meeqqanik tutsarluttunik atuartitsinerup pitsaannerusumik pilersaaruserneranut paasissutissat atorsinnaavaat.

# **Punkt 1: Ulluunerani paaqqinnittarfinni perorsaasut inimut aalajangersimasumut pituttorsimannngitsut pillugit aaqqissuussineq**

## **Beslutning**

Inassuteqaat akuersissutigineqarpoq.

## **Bilag**

Misiligutaasumik suliniummut ”Perorsaasoq inimut pituttorsimannngitsoq”, naliliineq, 2022

”Vikarklubben” pillugu naliliineq, 2021



## Ulluunerani paaqqinnittarfinni perorsaasut inimut aalajangersimasumut pituttorsimangitsut pillugit aaqqissuussineq

Misiliinerup ingerlanerani siunissamilu innersuussassanik nalilersuineq

Aalajangiiffigisassaq

SagsID: EMN-2022-00847

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- 2023-mut missingersuusiornermut atatillugu perorsaasut inimut aalajangersimasumut pituttorsimangitsut pillugit aaqqissuussamut iluseq saqqummiunneqartumi periarfissanut allattorsimaffimmik suliaqartoqarnissaa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

### Suliassamik saqqummiussineq

2021-mi septembarimi ingerlatsivik suliniummik misiligutaasumik aallartitsivoq Nuummi paaqqinnittarfinni marlunni perorsaasut inimut pituttorsimangitsut pillugit suliniummik pilersitsinikkut. 2022-mi marsimi ingerlatsivik ingerlatanik taakkuninnga marlunnik naliliivoq (ilanngussaq 1).

#### *Perorsaasut inimut aalajangersimasumut pituttorsimangitsut pillugit aaqqissuussinermut tunuliaqutaasoq*

Ingerlatsivimmi suliniutit nukittorsaasinnaasut ulluuneranilu paaqqinnittarfinni perorsaanikkut sammisassanik pitsannorsaasinnaasut qitiutinneqarput. Peqatigitillugu sulisunik aalajaatsunik attassiinnarnissamut pilersitsinissamullu atatillugu unammilligassaqarpoq. Suliniutinik assigiinngitsunik misileraasoqarnikuvoq ingammik unamminiagassap kingulliup iliuseqarfiginierani.

Kommunalbestyrelsiusimasup kissaatigisimavaa taartaasartoqatigiinnik pilersitsisoqassasoq. Tamanna kommunimi paaqqinnittarfinni marlunni misilinneqarpoq 2021-milu naliliiffigineqarluni (ilanngussaq 2). Paaqqinnittarfinni marlunni aqutsisut paaqqinnittarfiit akornanni "vikarklubimik" pilersitsipput. Naliliinerup takutippaa "Vikarklubi" aqutsisunut annertuumik suliassaqartitsisoq, taartaasartut atorfinitsinneqanngikkunik allani atorfinittarmata taamaattumillu nutaanik taartaasartunik atorfinitsitsisoqartariaqartarluni.

Massakkut aalajangersimasumik atorfillit taartaasartullu sulisoriinnarniarlugit allanik suliniutinik suliaqartoqarpoq. Ilaatigut Majoriaq suleqatigineqarpoq suliffissaaleqisunik suliassaqartitsisarneq ilinniarsimangitsunillu piginnaanngorsaaniissaq pillugu. Tamanna suliniutip annertuup ilagaa paaqqinnittarfinni sulisoqarniarnikkut pissutsinik sullivimmilu avatangiisinik pitsannorsaaniarnermut atatillugu. Tassanilu perorsaasut inimut aalajangersimasumut pituttorsimangitsut pillugit aaqqissuussineq iserfigineqassaaq.

#### *Perorsaasut inimut aalajangersimasumut pituttorsimangitsut pillugit aaqqissuussinerup siunertaa*

Aaqqissuussinerup matuma siunertaraa paaqqinnittarfiit sulisut saniatigut perorsaasumik ilinniarsimasumik immikkut sapaatip akunneranut akunnerni 30-ni sulisoqartarnissaat. Perorsaanikkut suliniutit tapersersussavai aamma/imaluunniit aallartisarlugit nalinginnaasumik piffissaqarfigineqartanngitsut imaluunniit periarfissaqarfigineqartanngitsut ass. sulisunik



amigaateqarluni unamminartorsiortoqartillugu. Perorsaasoq inimut aalajangersimasumut pituttorsimannngitsaq illumi tamarmi ininilu tamani sulissaaq meeqqanullu sammisassaqaartitsissalluni - assigiinngitsutigullu. Taamaattumik perorsaasut inimut aalajangersimasumut pituttorsimannngitsut pillugit aaqqissuussineq *taarteqarnermut* taartaasussaangilaq, iseruni "ikiortaaginnartussaananani", kisianni aaqqissuussaavoq, ulluunerani paaqqinnittarfinni perorsaanikkut kivitsisuususaq meeqqanullu sammisassaqaartitsinermik qulakkeerinnittusaq naak sulisunik amigaateqartoqaraluartoq.

*Perorsaasut inimut aalajangersimasumut pituttorsimannngitsut pillugit aaqqissuussinermik naliliineq* Tamaat isigalugu ulluunerani paaqqinnittarfiit tamarmik perorsaasumik inimut aalajangersimasumut pituttorsimannngitsumik misiliinermik iluaquteqarput. Paaqqinnittarfinni tamani aqutsisut misiliinermik naammagisimaarinnippot isumaqarlutillu, paaqqinnittarfinni perorsaanikkut sammisassaqaartitsinernut amerlanerusunut sunnuteqaqataasimasooq ulluinnarnilu meeqqanut sulisunullu aalajaannerutitsisoq. Perorsaasumik inimut aalajangersimasumut pituttorsimannngitsumik atorfinitsitseqqinnissartik kissaatigaat. Aqutsisunit tamanit ersarissarneqarpoq atorfinnut piumasaqaataasasoq perorsaasoq ilinniarsimasuussasoq misilittagalik, inuk siammassissumik sulisinnaasariaqarmat.

Paaqqinnittarfinni marlunni inimut aalajangersimasumut pituttorsimannngitsumik perorsaasoqarnissaanut piumasaqaatit assigiinngilluinnarput. Paaqqinnittarfik A piffissami annertuumik sulisunik amigaateqarsimavoq ingammik aqutsisoqatigiinni, tamatumalu perorsaasumut inimut pituttorsimannngitsumut perorsaanikkut suliamik ataqaatigiitsiniarneranut ajornakusoortitsivoq kiisalu taartit pinaveersaartinnissaanut. Taassuma saniatigut paaqqinnittarfik angisuujuvoq. Perorsaasoq inimut pituttorsimannngitsaq taamaattumik paaqqinnittarfinni tamarmi sulisinnaasimannngilaq, meeraaqqerivittaani sulinerusimalluni. Paaqqinnittarfik B paaqqinnittarfiuvoq minnerusoq taamaattumillu perorsaasoq inimut pituttorsimannngitsaq paaqqinnittarfinni tamarmi malinnaalluarnerusinnaasimalluni. Ullunilu amerlanerusuni meeraaqqerivimmiinnerusimavoq, tamannalu sulisunik amigaateqarnermut pissutaaqataavoq. Tamannalu taassumunnga iluaqutissartaqarsimavoq, ilaatigut pissutigalugu perorsaanikkut misilittagai tassaniimmata.

Paaqqinnittarfinni B-mi sulisunik apersuilluni misissuinermi nalilerneqarpoq, paaqqinnittarfinni inimut aalajangersimasumut pituttorsimannngitsumik perorsaasoqarneq nalinginnaasumik iluarisimaarneqarsimasooq paaqqinnittarfinni sulisut aalajangersimasut akornanni. Akissuteqartut tamarmik kissaatigaat aaqqissuussineq ingerlaannassasoq ataavartunngorlunilu. Akissuteqartut amerlanersaasa misigaat iniminni perorsaanikkut sammisassat amerlanerusut naammassineqartartut sapaatillu akunneranut pilersaarut naammassineqartarluni. Aammattaaq tamarmik ataaseq minillugu misigippot, meeqqanut iluaqutaasimasooq iniminnilu eqqissisimanerulersimasut.

Nalilerneqarpoq, misiliineq paaqqinnittarfik B-mi ingerlalluarnerusimasooq, perorsaasoq inimi aalajangersimasumi pituttorsimannngitsaq piffissami sulinuteqarfiusumi qaammatini arfinilinni sulinnaavissimammata ataatsimullu isigalugu sulianik naammagisimaarinnissimalluni. Suliniutip naammassinerani aalajangerpoq paaqqinnittarfinni atorfinni allami atorfeqarni ingerlatiinnassallugu. Perorsaasorlu inimi aalajangersimasumi pituttorsimannngitsaq paaqqinnittarfik A-mi piffissaq sioqqullugu atorfinnit tunuarpoq. Tamanna assigiinngitsunik pissuteqarpoq, kisianni ingammik erseqqissartariaqarpoq atugassarititaasut naammaginarsimannngimmata atorfinnilu naatsorsuutigisanik naammassinnissinnaasimannngimmat.

Siusinnerusukkut inerniliunneqartut aallaavigalugit ingerlatsivimmit innersuussutigineqarpoq kommunimi tamarmi inimi aalajangersimasumi pituttorsimannngitsumik perorsaasoqarnermut aaqqissuusaq atuutilertinneqassasoq. Paaqqinnittarfiit misileraaffiusut tamarmik aaqqissuussineq



iluaqutigisimavaat naak tunngavia inernerilu assigiingilluinnaraluartut. Ulluunerani paaqqinnittarfinni sulisut tamaat isigalugu iluarisimaarinnippot aqutsisullu tamarmik kissaatigaat aaqqissuussineq atoqqissallugu. Perorsaasut inimut aalajangersimasumut pituttorsimangitsut pillugit aaqqissuussineq perorsaanikkut sammisanik ingerlatsinermut atatillugu iluaqutaasimavoq kiisalu inini eqqissisimanermik aalajaannermillu qulakkeerinnissimalluni.

Piumasaqaatillu ilaat malinneqartariaqassapput inimut aalajangersimasumut perorsaasumik pituttorsimangitsumik atorfinitsitsinissamut atatillugu.

- Perorsaasoq inimut aalajangersimasumut pituttorsimangitsaq ilinniarsimasuussaaq misilittagaqarlunilu
- Ingerlatsiviup, ulluunerani paaqqinnittarfimmi aqutsisup, perorsaasup inimut aalajangersimasumut pituttorsimangitsup sulisullu akornanni naatsorsuutininik ersarissunik naleqqussaasoqartariaqassaaq perorsaasup inimut aalajangersimasumut pituttorsimangitsup atorfanut tunngatillugu
- Perorsaasoq inimut aalajangersimasumut pituttorsimangitsaq sulisut aalajangersimasumik amerlassusaata avataaniissaaq

Piumasaqaatit taakkua naammassineqarsinnaangippata *ingerlatsivimmit* paaqqinnittarfimmi perorsaasumik inimut aalajangersimasumut pituttorsimangitsumut atorfinitsitsisoqarnissaa innersuussutigineqassanngilaq.

### **Ingerlatsivimmit aningaasatigut sulisoqarnikkullu naliliinerit**

Perorsaasumik inimut aalajangersimasumut pituttorsimangitsumut sapaatip akunnerani akunnerni 30-ni atorfinitsitsinermi paaqqinnittarfimmut ataatsimut ukiumut aningaasartuutit ima isikkoqassapput:

Sulisut perorsaasutut ilinniagallit (*ukiut qassit* sulisimanera apeqqutaatinnagu): 18.613

kr./qaammammut x qaammatit 12-it = 223.356 kr.

Sulisut perorsaasutut ilinniagallit (*ukiut qassit* *sulisimanera* apeqqutaatillugu): 20.055

kr./qaammammut x qaammatit 12-it. = 240.660 kr.

Kommuneqarfik Sermersuumi paaqqinnittarfinni 26-ni tamani aningaasaliissutaasut: 5.807.256 kr. tamarmik perorsaasuuppata ilinniarsimasut *ukiut qassit* sulisimanera apeqqutaatinnagu.

6.257.160 kr. tamarmik perorsaasuuppata ilinniarsimasut *ukiut qassit* *sulisimanera* apeqqutaatillugu.

Ingerlatsivimmit innersuussutigineqarpoq perorsaasoq inimut pituttorsimangitsaq atorfinitsinneqartoq ilinniarsimasuussasoq misilittagaqarlunilu. Taamaattumik missingersuutit pillugit isumaqatigiinniarnermut siunnersuut imaassaaq: **6.257.160 kr.**

Kommuneqarfik Sermersuumi perorsaasumik inimut aalajangersimasumut pituttorsimangitsumut aaqqissuussamut ataavartumik aningaasaliissutit massakkut ingerlatsivimmi missingersuutini ilaangillat. Kommunalbestyrelsen aaqqissuussineq akuerissappagu 2023-mi missingersuutit pillugit isumaqatigiinniarnermut taamaattumik ilaasariaqarlutik.

### **Suliffeqarfimmut Kiffartuussivimmit aningaasatigut naliliineq**

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinnissaa pillugu Inatsisartut inatsisaat nr. 13, 1. december 2021-meersumi tulluuttut allaqqapput:

"§ 2. *Missingersuutit tamarmiusut pisortat aningaasaqarneranni tamarmiusuni ukiut sisamat inger-laneranni oqimaaqatigiissinneqassapput imaluunniit sinneqartoofiussapput, taamaattoq imm. 3 innersuussutigineqarpoq.*



*Imm. 2. Missingersuutit oqimaaqatigiissinneqarnissaannik piumasagaat imm. 1-imi pineqartoq naammassineqarsimassaaq kommunip ukiumoortumik missingersuutaani ukiunut missingersuusiorfiusunut tunngasut ilanngullugit imaluunniit Kalaallit Nunaanni Namminersorlutik Oqartussat aningaasanut inatsisaanni ukiunut missingersuusiorfiusunut tunngasut ilanngullugit:*

- 1) sanaartornermut, ingerlatsinermut, isertitatigut aamma tapiissutitigut ataatsimut katillugit amigartoorutaanngitsutut takutitsippata, aamma*
- 2) ingerlatsinermut, tapiissutinut sanaartornermullu ataatsimut aningaasaliissutit ukiumut annerpaamik 1,00 procentimik qaffassimappata aamma ukiut sisamat ingerlaneranni qaffariaataat annerpaamik 2,00 procentiuppata.*

*Imm. 3. Inatsisartut akuersissuteqarnerisa kingorna imm. 2 malillugu naatsorsuinermi aningaasartuutit inissianik, inuussutissarsiutinik imaluunniit attaveqarnermik pilersaarutini aningaasaliinermut attuumassuteqartinneqarsinnaasut kingunerisassaanik naliliinikkut inuiaqatigiit aningaasaqarnerannut ataatsimut iluanaarutaasussatut nalilerneqarpata mininneqarsinnaapput."*

Suliffeqarfimmut Kiffartuussivimmit aammattaaq maluginiarneqarpoq meeraaqqerivinnut ulluuneranilu paaqqinnittarfinnut 2022-mi 148 mio. koruunit aningaasaliissutigineqartut 2023-mi 154 mio. koruuninut qaffanneqartut isumaqatigiissutit nutaat malillugit. Atuisullu akiliutaat naleqqussarneqassanersoq eqqarsaatigineqarsinnaalluni.

### **Inatsisitigut tunngavissaq allakkallu tunngaviusumik uppernarsaatitalit**

- Meeqqanut sulit atualersimanngitsunut perorsaaniikkut inerikkiartuutaasumik ulluunerani neqeroorutit pillugit Inatsisartut inatsisaat nr 16, 3 December 2012-imeersoq

### **Ilanngussat**

1. Misiligutaasumik suliniummut "Perorsaasoq inimut pituttorsimanngitsaq", naliliineq, 2022
2. "Vikarklubben" pillugu naliliineq, 2021

## **Punkt 2: Tasiilami Alivarpimmi suliniut KRAP pillugu Psykolog Centerimillu isumaqatigiissummik atorunnaarsitsineq**

### **Beslutning**

Inassuteqaat akuersissutigineqarpoq.

### **Bilag**

Tasiilami Alivarpimmi suliniummut KRAP-imut aningaasaliiffigineqarnissamik qinnuteqaat

Tasiilami Alivarpilup aamma Psykolog Centretip akornanni pikkorissaanerit pillugit isumaqatigiissut

Psykolog Centretimit Meeqqanut Atuarfeqarnermullu Ingerlatsivimmut isumaqatigiissutip atorunnaarsinneqarnissaa pillugu allakkat



## Tasiilami Alivarpimmi suliniut KRAP pillugu Psykolog Centerimillu isumaqatigiissummik atorunnaarsitsineq

Aalajangiiffigisassaq

SagsID.: EMN-2022-05497

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Tasiilami Alivarpium aamma Psykolog Centretip akornanni isumaqatigiissutip atorunnaarsinneqarnissaa akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut aalajangiiffigisassatut ingerlateqqinneqassasoq

### Suliassamik saqqummiussineq

Ukiumi missingersuusiorfiusumi 2022-mi Kommunalbestyrelse Tasiilami atuarfimmi suliniutip KRAP-ip Ingerlanneqarnissaanut 500.000 kr.-inik aningaasaliisimavoq. KRAP tassaavoq Iisarsisarneq, Isumalluutiniq qitiutitsineq, Akuersaartumik periaaseq, aamma perorsaanikkut tarnillu pissusaatigut sakkunik katersat, inunnik suliaqarnermi atorneqarsinnaasut.

Piviusumik KRAP atuarfimmi sulisut meeqqanik isumaginninnikkut atugarliortunut atatillugu suliaqarnerani piginnaasaasa ineriartortinneqarnissaannut atorneqartussatut piukkunneqarsimavoq. KRAP Viborgimi, Danmarkimi Psykolog Centretimit tuniniarneqartarpoq, taanna Tasiilami Alivarpium 2021-mi atuarfimmi sulisut ukiut marluk ingerlanerini arlaleriartumik pikkorissartinneqarnissaat pillugu isumaqatigiissuteqarfigisimavaa.

Kisianni misilittakkat takutissimavaat, pikkorissaanerini sammisassat ingerlanneqarnissaannut atassuteqartut piviusungortinniarnarat ajornakusooruteqartarpoq. Siullermik tassunga COVID19 pissutaasimavoq, sammisassat amerlasuut pilersaarutaareersut ajornartorsiorfiulersimmata. Tassunga atatillugu aamma Tasiilap internettimut attavilunna pissutigalugu qarasaasiakkut onlinemik sammisassat ingerlannissaat ajornakusoorsimavoq.

Tamatuma saniatigut suliniutip sulisut akornanni iluamik atulersinneqarnissaa ajornakusuulersinnaasoq atuarfimit nalilerneqarpoq, atuarfimmi sulisut annertuumik nikerartarnerat pissutigalugu. Aamma maanna atuarfiup nutaamik pisortartaarnissaa suliarineqarpoq, atuarfiup pisortarisimasaa KRAP-imi suliniutit aallartisarniarneranni annertuumik pingaaruteqarsimalluni. Kiisalu Tasiilap atuarfiani allanik suliniuteqartoqarpoq, atuartunik isumaginninnermi ajornartorsiuteqartunut sulissutiginninnermik qitiutitsisunik.

Tamanna tunuliaqutaralu Tasiilami Alivarpium aamma Psykolog Centret marluullutik isumaqarput, piffissami maannakkut KRAP pillugu suleqatigiinnerup unitsinneqarnissaa naleqqunnerpaasoq, aamma taamaalilluni isumaqatigiissut atuuttoq atorunnaarsinneqassasoq. Tasiilami Alivarpium aamma Psykolog Centretip isumaqatigiissutip atorunnaarsinneqarnissaa illugiillutik kissaatigimmassuk, Meeqqanut Atuarfeqarnermullu Ingerlatsiviup nalilerpaa, tamanna illua'tungeriit marluk akornanni isumaqatigiissuteqarnerup atorunnaarsinneqarnissaa isumaqatigiissuteqarnerup tunngaviata sinaakkutassarititaasa iluaniittoq.



### **Ingerlatsivimmit aningaasatigut sulisoqarnikkullu naliliinerit**

Ukiumi missingersuusiorfiusumi 2022-mi 500.000 kr-nit aningaasaliissutaasimasut taamaattumik atorneqassanngillat, suliniut 2021-mi atuarfiup nammineq aningaasaatai atorlugit kiisalu atuarfimmut immikkoortortaqaarfiup ataatsimoorussamik kontoanit aningaasalerneqarluni aallartisarneqarsimammat.

Isumaqatigiissut atorunnaarsinneqassappat, Meeqqanut Atuarfeqarnermullu Ingerlatsivik aningaasat aningaasaliissutaasimasut utertinneqarnissaat eqqarsaatigalugu sipaarnissamut siunnersuusiussaaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussiviup aningaasatigut eqqarsaatiginninnerit isumaqatigai.

### **Inatsisitigut tunngavissaq allakkallu tunngaviusumik uppersaatitalit**

Pisariaqanngilaq.

### **Ilanngussat**

1. Tasiilami Alivarpimmi suliniummut KRAP-imut aningaasaliiffiqineqarnissamik qinnuteqaat
2. Tasiilami Alivarpium aamma Psykolog Centretip akornanni pikkorissaanerit pillugit isumaqatigiissut
3. Psykolog Centretimit Meeqqanut Atuarfeqarnermullu Ingerlatsivimmut isumaqatigiissutip atorunnaarsinneqarnissaa pillugu allakkat

## **Punkt 3: Lukket**

## **Punkt 4: Lukket**

## **Punkt 5: Lukket**

## **Punkt .: Taasariaqartut allat**

### **Beslutning**

Siulittaasup ilisimatitsinera:

Ataatsimiititaq Tasiilamut angalassaaq oktoberimi.

Poul Petersen ilisimatitsivoq angalaqataasinnaanani suliffimmini pisussaq peqqutigalugu.

Dorthe-Marie Mogensen-Fontain ilisimatitsivoq peqataanissani pillugu kalerriumaarluni.

Mia Skifte Lynge peqataasinnaanerarpoq.

Finn Karlsen peqataasinnaanerarpoq.

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.46.